

SESIÓN EXTRAORDINARIA CELEBRADA POLO PLENO DO CONCELLO O DÍA
17 / XULLO / 2000

SUMARIO

- 1.- DAR CONTA DOS EXPEDIENTES DE MODIFICACIÓN DE CRÉDITO NÚMEROS 9 E 10/2000
- 2.- DAR CONTA DAS LIQUIDACIÓNS DOS ORZAMENTOS DO CONCELLO DE REDONDELA DOS ANOS 1998 E 1999
- 3.- DICTAME DA COMISIÓN INFORMATIVA DE ECONOMÍA, FACENDA E DESENVOLVEMENTO LOCAL S/SOLICITUDE DUN ANTICIPO Á CAIXA DE ANTICIPOS DA DEPUTACIÓN PROVINCIAL
- 4.- APROBACIÓN DEFINITIVA ORDENANZA FISCAL REGULADORA DA TAXA POR ENSINANZAS ESPECIAIS NOS ESTABLECEMENTOS DOCENTES DO CONCELLO
- 5.- DICTAME DA COMISIÓN INFORMATIVA DE BENESTAR SOCIAL E XUVENTUDE S/CONVENIO - LENDA
- 6.- DICTAME DA COMISIÓN INFORMATIVA DE ENSINO S/RECTIFICACIÓN REGULAMENTO ÓRGANO SECTORIAL CONSELLO ESCOLAR MUNICIPAL.
- 7.- DICTAME DA COMISIÓN INFORMATIVA DE ENSINO S/BASES REGULADORAS SUBVENCIÓNS Á ASOCIACIÓN DE NAIS E PAIS DE ALUMNOS
- 8.- DICTAME DA COMISIÓN INFORMATIVA DE ENSINO S/BASES ADXUDICACIÓN BECAS DE ESTUDIOS MUSICAIS NO CONSERVATORIO DE MÚSICA MUNICIPAL
- 9.- DICTAME DA COMISIÓN INFORMATIVA DE INTERIOR S/CONVENIO DE COLABORACIÓN ENTRE A CONSELLERÍA DA PRESIDENCIA E ADMON. PÚBLICA E A F.E.G.A.M.P. PARA IMPLANTACIÓN E DESENVOLVEMENTO DOS SERVICIOS INFORMÁTICOS E DE TELECOMUNICACIÓNS
- 10.- MOCIÓN DO B.N.G. S/IMPLANTACIÓN DA "E.S.P.O." NO CONCELLO DE REDONDELA E O SISTEMA DE ADMISIÓN DE ALUNADO PARA O CURSO PRÓXIMO 2000/01

Na Casa do Concello de Redondela, sendo as doce horas do día **dezasete de xullo do ano dous mil**, baixo a Presidencia do Sr. Alcalde, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO,

EL NUMERADO
CORPORACIÓN
LOCAIS

Serie A N.º 1175890

D. EMILIO GONZÁLEZ IGLESIAS, DONA. M^a DEL PILAR MARTÍNEZ GONZÁLEZ, DONA. M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D^a. M^a. DEL CARMEN RODRÍGUEZ RIVAS, D. XOSÉ CARLOS PAZOS DOCAMPO, DONA. CECILIA PÉREZ ORGE, D. XOSÉ LUIS GRANDE GRANDE e DONA. ÁNXELES GONZÁLEZ GÓMEZ; non comparecendo os Sres./as. Concelleiros do P.P., e asistindo o Sr. Interventor, D. MODESTO SOLLA SANZ. Actúa como Secretario o titular da Corporación D. LUÍS TORRADO VÁZQUEZ, constitúese o Pleno do Concello, en sesión extraordinaria, conforme á convocatoria e de acordo coa Orde do Día remitida a tódolos Sres./as Concelleiros/as, coa antelación legalmente requirida.

**1.- DAR CONTA DOS EXPEDIENTES DE MODIFICACIÓN DE CRÉDITO
NÚMEROS 9 E 10/2000**

Pola Presidencia dase conta de expedientes de modificación de crédito núm. 9 e 10/2000.

O Concello Pleno quedou enterado do contido dos citados expedientes de modificación de crédito.

**2.- DAR CONTA DAS LIQUIDACIÓNS DOS ORZAMENTOS DO
CONCELLO DE REDONDELA DOS ANOS 1998 E 1999**

Pola Presidencia dase conta das liquidacións dos orzamentos do Concello de Redondela dos anos 1998 e 1999.

O Concello Pleno quedou enterado do contido dos citados expedientes de liquidación dos orzamentos.

**3.- DICTAME DA COMISIÓN INFORMATIVA DE ECONOMÍA, FACENDA
E DESENVOLVEMENTO LOCAL S/SOLICITUDE DUN ANTICIPO Á CAIXA DE
ANTICIPOS DA DEPUTACIÓN PROVINCIAL**

Polo Sr. Presidente dase conta a este Concello Pleno da Proposta de data 3 de xullo do ano 2000, correspondente ó Dictame da Comisión Informativa de Economía, Facenda e Desenvolvemento Local, que transcrita di:

“Visto o orzamento xeral deste Concello para o ano 2000, aprobado provisoriamente polo Concello Pleno o día 19.06.00, e actualmente en período de exposición ao público (anuncio publicado no BOP número 122 do 27.06.00).

Tendo en conta que no estado de gastos do orzamento deste Concello para o ano 2000 (incluído no orzamento xeral antes citado) figura previsto un gasto de vintetrés millóns, 23.000.000, de pesetas para o “campo de fútbol Santa Mariña”; obra número 00/452.3.31 do anexo de investimento, partida 004221A 62700.

100012

Dado que o gasto citado estará financiado íntegramente mediante un préstamo a concertar coa caixa de anticipos da Deputación Provincial de Pontevedra, segundo se indica no anexo de investimentos citado e consta na partida 0091601 do estado de ingresos do orzamento deste Concello para o ano 2000.

Coa finalidade de iniciar a tramitación do preceptivo expediente administrativo e poder contar no prazo mais breve posible co financiamento municipal da obra a realizar no campo de fútbol antes indicado, este concelleiro proponlle ao Concello Pleno a adopción dos seguintes acordos:

"Primeiro.-Solicitar da caixa de anticipos de cooperación provincial, da Deputación provincial de Pontevedra, un anticipo de vintetrés millóns, 23.000.000, de pesetas, reintegrable no prazo de dez anos, para atender ao financiamento (de aportacións deste Concello) das obras no "campo de fútbol de Santa Mariña"; acompañando á solicitude toda a documentación esixida polas bases que rexen a caixa citada.

A amortización do anticipo efectuarase en dez anualidades, correspondendo realizar a primeira delas o día seguinte ao de cumprimento dun ano da data do correspondente documento contractual.

O Concello deberá pagar á caixa de anticipos de cooperación provincial, da Deputación Provincial de Pontevedra, un 2 por 100 (460.000 pesetas) en concepto de <gastos de administración> do anticipo.

Segundo.-Facultar expresamente á caixa de anticipos e á Deputación Provincial de Pontevedra a reter e compensar as posibles débedas futuras do Concello de Redondela coa caixa de anticipos, con calquera cantidade que o Concello deba percibir da Deputación ou de calquera dos seus organismos autónomos por calquer concepto, ben sexa de subvención ou transferencia corrente ou de capital.

Terceiro.-O Concello de Redondela consignará nos estados de gastos dos seus orzamentos dos anos 2.001 ao 2.010, ambos inclusive, a contía de 2.300.000 pesetas en cada exercicio para responder do pago da cuota anual de amortización do anticipo indicado".

Este Concello Pleno por unanimidade dos Sres./as. Concelleiros/as asistentes a esta Sesión, acorda presta-la súa aprobación á Proposta antes transcrita.

4.- APROBACIÓN DEFINITIVA ORDENANZA FISCAL REGULADORA DA TAXA POR ENSINANZAS ESPECIAIS NOS ESTABLECEMENTOS DOCENTES DO CONCELLO

Polo Sr. Presidente dase conta a este Concello Pleno de que pola Sra. Presidenta da A.P.A. do Conservatorio de Redondela presentóuselle un escrito solicitando intervir neste Pleno, sinalándose polo mesmo que en virtude do Regulamento de Participación Cidadá para poder intervir no Pleno é preciso que a solicitude se presente con antelación de 24 horas á data da celebración do mesmo, o que non ocorre no presente

Serie A N.º 1175891

caso; sem embargo esta Presidencia autorízalle para que realice a súa intervención no Pleno que a citada Sra. Presidenta tiña solicitado.

Acto seguido interviu no Pleno a Sra. Presidenta da A.P.A. do Conservatorio de Redondela, que despóis das súas manifestacións concluiu sinalando que non se apliquen as taxas tal como figuran na Ordeanza Fiscal que se trae a aprobación definitiva para este Concello, senon que as mesmas se apliquen seguindo o acordo do Conservatorio.

Polo Sr. Presidente, acto seguido, interésase que polos Sres. Secretario e Interventor deste Concello se den lectura a este Concello Pleno dos seus respectivos informes.

Concedida a palabra polo Sr. Presidente, polo Sr. Secretario dase lectura ó seu informe de data 13 de xullo do ano 2000 en relación co punto 4º da orde do día da sesión extraordinaria a celebrar por este Concello Pleno en data 17-07-00, que di:

Primeiro.- Con esta data ratifícome no contido do meu informe sobre este asunto de data 22-05-2000, obrante no expediente. Con posterioridade a data do meu informe incorporouse ó mesmo un estudio económico-financiero.

Tramitándose este asunto coma unha taxa procede que o correspondente acordo plenario se adopte cos votos da maioría absoluta do número legal dos membros deste Corporación, según dispoñe o artigo 47.3 da Lei 11/99 de 21 de abril, modificadora da Lei 7/85 de 2 de abril.

E por tratarse dun asunto que require, na adopción do repectivo acordo unha maioría especial é preceptivo o informe deste Sr. Secretario, de conformidade co disposto no artigo 173.1b) do R.D. 2568/86 de 28 de novembro que aprobou o Regulamento de Organización, Funcionamento e Réxime Xurídico das Entidades Locais.

Caso de adoptarse acordo definitivo de aprobación da modificación da referida ordenación o texto íntegro da mesma publicarase no B.O.P., e a mesma entrará en vigor ó día seguinte ó da súa publicación anteriormente sinalada de conformidade co disposto no artigo 17.4 da Lei Reguladora de Facendas Locais.

Segundo.- Con datas 10 e 11 de xullo do 2000 presentáronse no Rexistro deste Concello alegacións contra o acordo inicial deste Concello aprobando provisionalmente a modificación da Ordenanza fiscal reguladora da taxa por ensinanzas especiais nos establecementos docentes deste Concello, solicitando a nulidade do acordo plenario citado.

Nunhas alegacións plantéxase que o acordo do Concello Pleno de Redondela non coincide co adoptado polo Consello de Administración do Conservatorio, ó que lle corresponde asumi-lo goberno e a xestión superior do conservatorio de conformidade co disposto no artigo 6º dos Estatutos do Conservatorio según se indica nas alegacións aludidas e solitan en consecuencia a nulidade do acordo plenario e a súa substitución polo acordo do Concello de Administración do Conservatorio de data 22-05-2000.



EL NUMERADO
CORPORACIÓN
LOCAIS

Este Secretario considera que non teñen porque coincidir os acordos do Consello de Administración do Conservatorio co do Pleno deste Concello en materias referentes ó Conservatorio, e que se ó Consello de Administración citado, os Estatutos do Conservatorio lle atribúen facultades de goberno, tales facultades non poden ser confundidas coas de establecer os seu propios recursos económicos e as súas fontes de financiación dos que depende do Concello e integrándose o orzamento do Conservatorio no Xeral deste Concello.

Doutro xeito a facultade de ordenación e imposición de tributos lle pertence en exclusiva ás Entidades Locais por imperativo da Lei 39/88 do 28 de decembro reguladora das Facendas Locais e a Lei 8/89 de 13 de abril de Taxas e Prezos Públicos.

Outro grupo de alegacións solicitan a nulidade do acordo plenario de aprobación provisoria da modificación da Ordenanza fiscal reguladora de Taxa por ensinanza especiais nos establecementos docentes do Concello, alegando falta de competencia do Pleno deste Concello, así como falta de delegación da Concelleira D^a Cecilia Pérez Orge para actuar obstando a Presidencia do Consello de Administración do Conservatorio e en virtude da citada representación face-la correspondente proposta a que o Pleno deste Concello outorgulle a súa aprobación provisoria, e fundamenta-las súas alegacións nos citados Estatutos do Conservatorio, así coma na Lei 30/92.

Nos casos das alegacións que estamos a contemplar élle de aplicación o sinalado por este Sr. Secretario respecto a facultade do Pleno do Concello de Redondela para establecer-los recursos económicos e as súas fontes financeiras que nutrirán os ingresos do Conservatorio, sen que o Consello de Administración do Conservatorio teña competencia recoñecida expresamente nos seus Estatutos para dispoñer que recursos económicos e de que procedencia constituirían os ingresos do Conservatorio, e polo que respecta a Concelleira Sra. Pérez Orge a mesma obstanda a Presidencia do Consello de Administración do mesmo por delegación do Sr. Alcalde.

Na súa consecuencia se estima que non procede ter en consideración as alegacións por considerar que non se infrinxen as normas nas que se fundamentan as alegacións citadas.

Concedida a palabra pola Presidencia, polo Sr. Interventor dase conta a este Concello Pleno de informe emitido sobre este asunto da orde do día que di:

Modesto Solla Sanz (funcionario da escala de habilitación de carácter nacional, subescala Intervención-Tesourería, categoría superior) Interventor Xeral do Concello de Redondela, con número de rexistro de persoal 3602143157 A3013, visto o expediente administrativo referido á modificación da ordenanza fiscal reguladora da taxa por ensinanza especiais nos establecementos docentes do Concello, e as reclamacións formuladas ao mesmo, emite informe de fiscalización preceptiva do expediente citado.

Serie A N.º 1175892

INFORME DO INTERVENTOR**ASUNTO.-**

Fiscalización preceptiva do expediente administrativo de modificación da ordenanza fiscal reguladora da taxa por ensinanzas especiais nos establecementos docentes do Concello, e das reclamacións formuladas ao mesmo.

LEXISLACIÓN E NORMATIVA APLICABLE BÁSICA.-

- * (BE/99) bases de execución 104ª, 105ª, 107ª e 109ª do orzamento xeral deste Concello correspondente ao exercicio de 1999, actualmente prorrogado.
- * (CE) artigos 9, 24, 103.1 e 133.2 da Constitución Española do 27 de decembro de 1978 (BOE número 311-1 do 29.12.78).
- *(LALG) artigos 1, 2, 5.1, 6.1 e 64.1.d) da Lei 5/1997 do 22 de xullo, de Administración Local de Galicia (DOG número 149, do 05.08.97).
- * (LMTP) Lei 25/1988 do 13 de xullo, de modificación do Réxime legal das Taxas Estatais e Locais e de Reordenación das Prestacións Patrimoniais de Carácter Público (BOE Número 167, do 14.07.98).
- * (LRBRL) artigos 3, 47.3.h); 49, 79.2 e 106 a 113 da Lei 7/1985 do 2 de abril, Reguladora das Bases de Réxime Local (BOE número 80, do 03.04.85).
- * (LRFL) artigos 2.1, 6 a 27, 195, 196 e 198 da Lei 39/1988 do 28 de decembro, Reguladora das Facendas Locais (BOE número 313, do 30.12.88).
- *(LRX-PAC) artigos 62.1 e 71 da Lei 30/1992 do 26 de novembro, de Réxime Xurídico das Administracións Públicas e do Procedemento Administrativo Común (BOE número 285, do 27.11.92).
- * (LTPP) Lei 8/1989 do 13 de abril, de Taxas e Prezos Públicos (BOE número 90, do 15.04.89).
- * (OFTE) ordenanza fiscal reguladora da taxa por ensinanzas especiais nos establecementos docentes do Concello de Redondela (BOP número 249, do 30.12.98).
- * (TRRL) artigo 54.1 do Real Decreto Legislativo 781/1986 do 18 de abril, polo que se aproba o Texto Refundido das disposicións legais vixentes en materia de réxime local (BOE números 96 e 97, do 22.04.86 e 23.04.86).
- * (RFHN) apartados a) e h) do artigo 4.1 do Real Decreto 1174/1987 do 18 de setembro, polo que se regula o réxime xurídico dos funcionarios de Administración Local con habilitación de carácter nacional (BOE número 233, do 29.09.87).



EL NUMERADO
CORPORACIÓN
LOCAIS

* (ROF) artigos 123.1, 164, 165, 173 e 175.c) do Real Decreto 2568/1986 do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (BOE número 305, do 22.12.86).

Parte da lexislación e normativa indicada foi modificada puntualmente en diversas ocasións, citándose neste informe (agás indicación expresa en contrario) os textos na súa redacción vixente a 17.07.00.

ANTECEDENTES.-

A proposta da Alcaldía, o Concello Pleno en sesión celebrada o día 28.10.98 aprobou a imposición e ordenanza fiscal reguladora da taxa por ensinanzas especiais nos establecementos docentes do Concello, aprobando así mesmo o texto da ordenanza fiscal citada (OFTE).

A ordenanza fiscal indicada foi publicada no BOP número 249 do 30.12.98.

O día 11.05.00 a Presidenta do Patronato do conservatorio de música propón a modificación da ordenanza fiscal reguladora da taxa antes citada, modificación que afectaría ao artigo 9 e ao anexo da ordenanza (páxinas 12 a 14 do expediente, paxinación incorrecta, consonte ao establecido no artigo 165.2 do ROF).

A proposta citada estaba emendada (páxina 22 do expediente administrativo) sen que conste no texto da emenda quen é o seu autor (páxina 22 do expediente administrativo, paxinación incorrecta ao incumprir o establecido no artigo 165.2 do ROF).

O correspondente expediente administrativo recibíuse na Intervención do Concello o día 23.05.00 ás 13,30 horas.

O Concello Pleno, en sesión celebrada o día 25.05.00 aprobou a modificación provisoria da ordenanza fiscal citada, expoñéndose ao público o corresponde expediente durante trinta días hábiles contados a partir do día 07.06.00 (segundo anuncio publicado no BOP número 107, do 06.06.00, no xornal "Faro de Vigo", do 10.06.00, e no taboleiro de edictos deste Concello).

Durante o período de exposición ao público don Rafael Pérez Ortega e outras persoas formularon diversas reclamacións á modificación da ordenanza fiscal citada.

INFORME.-

Visto o expediente administrativo indicado nos antecedentes deste informe e, especialmente, as reclamacións formuladas por don Rafael Pérez Ortega e formalmente por 673 persoas máis, á modificación da ordenanza fiscal reguladora da taxa por ensinanzas especiais nos establecementos docentes do Concello, cumprindo o establecido nos artigos 195 da LRFL, 54.1.b) do TRRL, 173.2 do ROF e 4.1.a) e h) do RFHN faise constar:

Serie A N.º 1175893

Primeiro.-Non queda acreditada a lexitimación activa de tódolos reclamantes, ao non acreditarse para todos eles o carácter de interesados, debéndose ter en conta que terán a consideración de interesados/as e poderán formular reclamacións ao expediente antes indicado (artigo 18 da LRFL):

"a) Los que tuvieran un interés directo o resulten afectados por tales acuerdos.

b) Los Colegios Oficiales, Cámaras Oficiales, Asociaciones y demás Entidades legalmente constituidas para velar por los intereses profesionales, económicos o vecinales, cuando actúen en defensa de los que le son propios".

Non basta calquera tipo de interese, senón que este deberá ser directo, non sendo suficiente o mero interese pola legalidade segundo reiterada xurisprudencia do Tribunal Supremo; así, Sentencia do citado Tribunal do 10.05.83 (Aranzadi 2.925) na que se citan outras moitas.

Sen prexuízo do indicado, no artigo 24 da CE extendeuse a lexitimación no proceso contencioso á defensa dos intereses lexítimos, concepto que é moito máis amplo que o de interese directo; debéndose entender por interese lexítimo (Sentencia do Tribunal Constitucional do 16.11.92, Sala Segunda, recurso de amparo número 2.616/1990, Aranzadi 195):

"El que tienen aquellas personas que por razón de la situación objetiva en que se encuentran, por una circunstancia de carácter personal, son titulares de un interés propio distinto del de cualquier ciudadano".

Sen prexuízo do indicado, e malia non acreditarse para tódolos reclamantes a concorrencia do interese directo que os lexitime activamente para formular reclamacións á modificación da ordenanza fiscal citada ou quedar acreditado para todos eles que resulten afectados polo acordo, tendo en conta a idéntica redacción (en dous modelos distintos) de tódalas reclamacións formuladas, as mesmas serán analizadas neste informe.

Segundo.-Con respecto a algunhas cuestións formais das reclamacións formuladas faise constar (sen ánimo de exhaustividade nos exemplos indicados) que:

* Existen diversas reclamacións non asinadas (así as números 16, 20, 48 e 158 recibidas o día 10.07.00, rexistro de entrada número 4.440).

* Existen reclamacións duplicadas (números 73 e 74, recibidas o día 10.07.00, rexistro de entrada número 4.440).

* Non se indican os apelidos do reclamante (reclamación número 106, recibida o día 10.07.00, rexistro de entrada número 4.440, e reclamación número 34, recibida o día 11.07.00, rexistro de entrada número 4.485).



EL NUMERADO
CORPORACIÓN
LOCAIS

* Omitense ou están incompletos diversos dados: enderezos, DNI (véxase entre outras moitas reclamacións, as números 34 e 82, recibidas o día 11.07.00, rexistro de entrada número 4.485).

* Falta documento orixinal da reclamación (reclamación número 51, recibida o día 11.07.00, rexistro de entrada número 4.485).

* Algúns dos reclamantes formularon dúas reclamacións en escritos distintos (así as reclamacións número 1, recibidas o día 12.07.00, rexistros de entrada números 4.526 e 4.527).

* O Concello de Redondela non debeu rexistrar as reclamacións carentes de sinatura ou con dados incompletos; aplicando, en todo caso, o establecido no artigo 70 da LRX-PAC.

Terceiro.-Basicamente (e ao marxe de afirmacións extraxurídicas ou procedementais que non serán polo seu carácter, obxecto deste informe) cuestionase polos reclamantes a posibilidade legal de que o Concello de Redondela poida aprobar ou modificar a "ordenanza fiscal reguladora da taxa por ensinanzas especiais nos establecementos docentes do Concello" amparándose para elo no establecido nos estatutos do organismo autónomo administrativo "Conservatorio de música de Redondela" (artigo 31.9 referido ao establecemento e fixación, polo Consello de Administración, dun prezo público) así como a concorrencia de dous motivos de nulidade de pleno dereito do acordo de aprobación polo Concello Pleno da modificación da ordenanza fiscal reguladora da taxa citada.

Os dous posibles motivos de nulidade de Pleno dereito indicados polo reclamantes serían os seguintes:

* Aprobación da modificación da ordenanza fiscal por órgano incompetente.

* Prescindirse (non indicándose se "total y absolutamente" como preceptivamente establece o artigo 62.1.e da LRX-PAC) do procedemento legalmente establecido e das normas que conteñen as regras esenciais para a formación da vontade dos órganos colexiados (citándose por algúns reclamantes o artigo 62.1 e da LRX-PAC).

Con respecto ao indicado faise constar que:

* Na Administración Local so as Entidades locais poden establecer tributos e dispoñen das potestades regulamentarias e tributarias (artigos 133.2 da CE, 6 e 12 da LRFL, 3 e 106.1 da LALG).

* A "taxa por ensinanzas especiais nos establecementos docentes do Concello" é un tributo (artigo 20 da LRFL).

* O organismo autónomo administrativo conservatorio de música de Redondela non é unha entidade local (artigos 3 da LRBRL, e 1 e 6 da LALG).

Serie A N.º 1175894

* O expediente de modificación da ordenanza fiscal reguladora da taxa por ensinanzas especiais nos establecementos docentes do Concello tramitouse consonte ao establecido ao respecto na LRFL e demais lexislación aplicable; sen prescindir (total e absolutamente ou siquera parcialmente) do procedemento legalmente establecido na LRFL, e polo único órgano competente: o Concello Pleno (artigo 47.3 .h da LRBRL, en relación co establecido no artigo 17 da LRFL).

* Os estatutos do organismo autónomo conservatorio de música de Redondela fan referencia un prezo público, non a un tributo -taxa-.

* Sen prexuízo do indicado no parágrafo anterior, as normas regulamentarias deben respectar o principio de xerarquía normativa Constitucionalmente establecido, non poidendo recoller disposicións contrarias ao indicado en normas de rango superior (Leis).

Cuarto.- Polo indicado, non se aprecia a existencia de ningún motivo de nulidade de pleno dereito (en especial dos indicados por algúns reclamantes) ou de anulabilidade do expediente e do acordo de modificación provisoria da ordenanza fiscal reguladora da taxa por ensinanzas especiais nos establecementos docentes do Concello.

Tendo en conta o indicado, e ao abeiro do establecido no artigo 175.c) do ROF estímase que o Concello Pleno debería acordar motivadamente a desestimación de tódalas reclamacións formuladas durante o período de exposición ao público do expediente referido á modificación de ordenanza fiscal reguladora da taxa por ensinanzas especiais nos establecementos docentes do Concello, aprobando definitivamente a modificación citada e continuando coa tramitación do expediente.

Tendo en conta os reparos formulados por este Interventor ao expediente citado (reparos indicados nun informe do día 25.05.00, referencia T 43/00 o Concello Pleno deberá resolver aqueles.

Este Concello Pleno, resolvendo os reparos formulados polo Sr. Interventor, por unanimidade dos Sres./as Concelleiros/as asistentes a esta Sesión, acorda: Desestimar a totalidade das alegacións formuladas á Ordenanza Fiscal Reguladora da Taxa por Ensinanzas Especiais nos Establecementos Docentes do Concello, e na súa consecuencia a aprobación definitiva da citada ordenanza fiscal.

5.-DICTAME DA COMISIÓN INFORMATIVA DE BENESTAR SOCIAL E XUVENTUDE S/CONVENIO - LENDA

Pola Presidencia dase conta a este Concello Pleno da Proposta de data 14 de xuño do 2000 da Presidenta da Comisión Informativa de Benestar Social e Xuventude, que transcrita di:

"Vista a solicitude presentada pola Sociedade de Traballo Asociado LENDA de Axuda ó Enfermo Psíquico de prórroga do Convenio existente entre o Concello de Redondela e a devandita Sociedade.



EL NUMERADO
CORPORACIONES
LOCAIS

Visto o texto de Cláusulas do Convenio asinado en data doce de marzo de mil novecentos noventa e oito e prorrogado para o ano mil novecentos noventa e nove , a Presidenta da Comisión

PROPÓN:

Primeiro.- Prórroga-lo Convenio existente entre o Concello de Redondela e a Sociedade de Traballo Asociado LENDA de Axuda ó Enfermo Psíquico para o ano 2.000.

Segundo.- Introducir modificacións na Cláusula Segunda do devandito Convenio e engadindo unha nova cláusula adicional que formará parte do texto como Cláusula Terceira, polo que o texto de Cláusulas comporase como seguidamente se transcribe:

"CLÁUSULAS

Primeira: O Concello de Redondela e a Asociación de Axuda ó Enfermo Psíquico LENDA comprométense ó desenvolvemento de actuacións dirixidas á integración sociolaboral do colectivo de persoas usuarias do Centro Ocupacional.

Segunda: A colaboración do Concello concéntrase na aportación de 1.000.000.- (un millón) de pesetas que serán destinadas ó pagamento da renda do contrato de arrendamento dos locais nos que se ubica o Centro Ocupacional LENDA.

O pagamento proporcional da devandita cantidade efectuarase mensualmente mediante transferencia unha vez que pola Asociación se xustifique documentalmente o gasto realizado.

A colaboración comporase asemade , exclusivamente para o ano 2.000, dunha aportación adicional de 251.573.- (duascentas cincuenta e unha mil cincocentas setenta e tres) pesetas para compensa-lo gasto polo Imposto sobre Construcións devengado polas reformas necesarias no devandito Centro.

O pagamento da devandita cantidade efectuarase nunha única transferencia unha vez que pola Asociación se xustifique documentalmente o gasto realizado.

Terceiro: O Concello de Redondela a través do Departamento de Servicios Sociais e previo informe da Traballadora Social poderá enviar usuarios/as ó Centro Ocupacional LENDA que cumplan os requisitos esixidos para a integración no dito Centro, establecéndose unha redución na cota a ingresar en relación a situación económica dos usuarios/as.

Cuarto: LENDA comprométese a facer constar na publicidade realizada por calquera medio que as actividades e servicios implementados contan coa colaboración e apoio económico do Concello de Redondela.

Quinto: A vixencia deste Convenio manterase durante o ano 2.000, e concluirá o 31 de decembro do ano da data. A súa prórroga, caso de se producir, será expresa previa

Serie A N.º 1175895

petición da Asociación que será efectuada un mes antes da conclusión e ratificada polo Pleno do Concello. Irá acompañada dunha Memoria de Actividades e Servicios.

Sexto: O Concello de Redondela poderá durante a vixencia do Convenio denunciar o mesmo acordando a súa rescisión no caso de incumprimento do seu clausulado ou de que se estime que as actividades levadas a cabo carecen do interese social ou público necesario. A resolución de rescisión non dará lugar a indemnización algunha. LENDA poderá así mesmo denunciar o Convenio no caso do seu incumprimento polo Concello.

Sétimo: A validez deste Convenio queda condicionada a súa ratificación polo Pleno do Concello e pola Presidenta da Asociación LENDA. Certificación de tales acordos uniranse coma Anexo a este Convenio."

Os membros asistentes á xuntanza ordinaria da Comisión Informativa de Benestar Social e Xuventude, en votación ordinaria e por maioría dos/as asistentes, coa abstención de D. PABLO REBANAL ALFAYA, dictaminaron favorablemente a:

PRIMEIRO.- Proponer ó Pleno a adopción dos acordos que figuran na proposta da Concelleira-Presidenta da Comisión de Benestar Social e Xuventude.

SEGUNDO.- Que polo Pleno se acorde facultar ó Alcalde- Presidente do Excmo. Concello de Redondela para que asine a prórroga con vixencia para este ano 2.000 do devandito Convenio.

Este Concello Pleno por unanimidade dos Sres./as. Concelleiros/as asistentes a esta Sesión, acorda presta-la súa aprobación á Proposta antes transcrita, resolvendo os reparos formulados polo Sr. Interventor deste Concello.

**6.-DICTAME DA COMISIÓN INFORMATIVA DE ENSINO
S/RECTIFICACIÓN REGULAMENTO ÓRGANO SECTORIAL CONSELLO
ESCOLAR MUNICIPAL.**

Pola Presidencia dase conta a este Concello Pleno da Proposta de data 4 de xullo do ano 2000 do Sr. Presidente da Comisión Informativa de Ensino en relación con Rectificación do Regulamento do órgano sectorial do consello escolar Municipal consultivo en materia de ensinanzas, que transcrito di:

Pola Presidencia se da conta que o Concello Pleno en sesión ordinaria de data 18 de novembro de 1999, aprobou inicialmente as rectificacións ó "Regulamento do Órgano Sectorial Consello Escolar Municipal Consultivo en materia de Ensinanzas". Sometido ó trámite de información pública, por prazo de trinta días, mediante anuncio publicado no B.O.P. nº 235 de 9 de decembro de 1999 e taboleiro de anuncios da Casa do Concello, sen que durante o devandito período se formulase reclamación algunha, se propón ó Pleno a aprobación definitiva da rectificación do devandito Regulamento quedando redactado o Título e os artigos 12 e 20 da seguinte maneira:



EL NUMERADO
CORPORACIÓN
LOCAIS

Título:

**REGULAMENTO DO ÓRGANO SECTORIAL CONSELLO ESCOLAR MUNICIPAL
CONSULTIVO EN MATERIA DE ENSEÑANZAS.-**

Artigo 12.- Para os efectos de composición do Pleno do CEM a elección dos seus compoñentes, se estará ó regulado pola Administración con competencias educativas para Concellos de máis de 25.000 habitantes. En todo caso integrárase por:

-1 Presidente

-1 Representante da Federación da AAVV, (designarase suplente).

-7 Profesores/as dos niveis educativos correspondentes ó ámbito do ensino non universitario de Galicia propostas por sindicatos ou asociacións profesionais proporcionalmente á representación obtida nas eleccións sindicais do sector docente, no municipio, distribuídos da seguinte forma:

6 do ensino público

1 do ensino privado

-6 nais e pais de alumnos/as propostos/as pola Federación de pais e nais de alumnos/as, designaranse ós respectivos/as suplentes:

-4 alumnas/os elixidas/os polos representantes dos/as alumnos/as en Consellos Escolares dos Centros existentes no municipio, designarase os respectivos/as suplentes.

-1 Representante da Asociación Local Empresarial (designará suplente).

-1 Representante de cada grupo político con representación na Corporación existente.

-1 Representante dos/as Directores/as dos Colexios, elixido de entre eles/elas pola Asamblea de Directores/as dos Colexios Públicos de Redondela.

-1 Representante da Administración Educativa, designado/a pola Delegación da Consellería de Educación.

-1 Representante dos movementos de renovación pedagóxica de Galicia, legalmente recoñecidos e en atención á súa representatividade, elixido de entre eles/elas.

-Si algún grupo político, asociación legalmente constituída ou colectivo desexa participar nas sesións do Consello Escolar deberá solicitalo mediante escrito

Serie A N.º 1175896

acompañado de proposta ou tema a tratar, con 24 horas de antelación á celebración da sesión e asistirá con voz e sen voto.

Artigo 20.- As sesións han de convocarse a lo menos cunha antelación de 4 días hábiles, agás as sesións extraordinarias urxentes.

En todo caso acompañarase orde do día, que se publicará no taboleiro de anuncios do Concello, e as actas das sesións anteriores que deben ser aprobadas na sesión.

Este Concello Pleno por unanimidade dos Sres./as. Concelleiros/as asistentes a esta Sesión, acorda presta-la súa aprobación á Proposta antes transcrita.

7.-DICTAME DA COMISIÓN INFORMATIVA DE ENSINO S/BASES REGULADORAS SUBVENCÍONS Á ASOCIACIÓN DE NAIS E PAIS DE ALUMNOS

Polo Sr. Presidente dase conta a este Concello Pleno de Proposta de data 4 de xullo do ano 2000, do Sr. Presidente da Comisión Informativa de Ensino sobre Bases Reguladoras de Subvencións á asociacións de nais e pais de alumnos, que transcrita di:

Pola Presidencia se da conta das Bases reguladoras das subvencións á asociacións de nais e pais de alumnos dos Centros docentes públicos de ensino de réxime xeral do Concello de Redondela, para o ano 2000, no referente a axudas para gastos xerais e de mantemento, e de actividades complementarias educativas desenvolvidas polas devanditas asociacións, os membros asistentes á Comisión Informativa de Ensino, en votación ordinaria e por unanimidade dos señores asistentes estimou oportuno propoñer ó Pleno o seguinte:

PRIMEIRO: Resolver(ó abeiro do establecido no artigo 198.2 da Lei 39/1988 do 28 de decembro, Reguladora das Facendas Locais) os reparos formulados polo Interventor Xeral do Concello no seu informe do 21 de xuño do 2000, referencia T 58/00.

SEGUNDO: Prestar aprobación ás Bases reguladoras das subvencións á Asociacións de Nais e Pais de alumnos dos Centros docentes públicos de ensino de réxime xeral do Concello de Redondela, para o ano 2000, no referente a axudas para gastos xerais e de mantemento, e de actividades complementarias educativas desenvolvidas polas devanditas asociacións.

Este Concello Pleno por unanimidade dos Sres./as. Concelleiros/as asistentes a esta Sesión, acorda presta-la súa aprobación á Proposta antes transcrita, resolvendo os reparos formulados polo Sr. Interventor deste Concello.



**8.- DICTAME DA COMISIÓN INFORMATIVA DE ENSINO S/BASES
ADXUDICACIÓN BECAS DE ESTUDIOS MUSICAIS NO CONSERVATORIO DE
MÚSICA MUNICIPAL**

Polo Sr. Presidente dase conta a este Concello Pleno de Proposta de data 3 de xullo do 2000 do Sr. Presidente da Comisión Informativa de Ensino sobre Bases para adxudicación de becas de estudos musicais no Conservatorio de Música Municipal, que transcrita di:

Pola presidencia se da conta das Bases para a adxudicación de becas para estudos musicais no Conservatorio de Música Municipal, os membros asistentes á Comisión Informativa de Ensino, en votación ordinaria e por unanimidade dos señores asistentes estimou oportuno propoñer ó Pleno o seguinte:

PRIMEIRO: Resolver (ó abeiro do establecido no artigo 198.2 da Lei 39/1988 do 28 de decembro, Reguladora das Facendas Locais) os reparos formulados polo Interventor Xeral do Concello no seu informe do 26.06.00, referencia T 61/00.

SEGUNDO: Aproba-las devanditas Bases coas seguintes modificacións, na Base Cuarta debe engadirse os seguintes apartados:

- Certificado da unidade familiar de non ter débedas coa facenda municipal.
- Declaración xurada de todos os bens inmobles da unidade familiar do solicitante.”.

Así como na Base Quinta debe engadirse o seguinte:

“-O importe total das axudas será transferida polo Concello á conta do Conservatorio unha vez rematado o proceso.”.

Concedida a palabra pola Presidencia, pola Concelleira Sra. Pérez Orge indícase que debe rectificarse o prazo que figura na base séptima entendendo ese dende o 18 ó 31 de xullo do 2000 e asímesmo rectificar a base oitava no seu parágrafo 5º rematando o mesmo coa frase: “Así como as presentadas fora do prazo marcado na convocatoria”.

Pola citada Sra. Concelleira indícase que as bases rectificadas son como seguen:

**BASES PARA A ADXUDICACIÓN DE BECAS PARA ESTUDOS MUSICAIS NO
CONSERVATORIO DE MÚSICA MUNICIPAL**

PRIMEIRA.- OBXECTO:

O obxecto destas base é o de establecer un réxime compensatorio de carácter social destinado a aquelas familias con menos recursos para que os seus membros, con aptitudes musicais, poidan cursar estudos de música no Conservatorio de Música de Redondela.

Serie A N.º 1175897

SEGUNDA.- BENEFICIARIOS/AS:

Poderán ser beneficiarios/as destas axudas os veciños/as de Redondela que estean a cursar estudos no Conservatorio de Música.

TERCEIRA.- REQUISITOS:

Os requisitos que deberán cumprir o/a estudante serán:

1-Estar empadroada a unidade familiar ou de convivencia do/a estudante no concello de Redondela.

2-Ter a matrícula ou reserva da mesma para cursar os estudos musicais no Conservatorio de Música de Redondela.

3-Que a renda per cápita bruta mensual de cada membro da unidade familiar non exceda a 30000 ptas.

Para os efectos de cálculo da renda familiar, son membros computables da unidade familiar aqueles que figuren no Padrón de Habitantes Municipal.

4-Non estar suxeito a tutela pública.

5-Estar ao corrente , por todos os conceptos, nas obrigas tributarias e non tributarias coa facenda local e os seus organismos autónomos, ou en situación de liquidación das débedas.

6-Non desfrutar doutras axudas, bolsas ou subvencións de igual ou análoga finalidade outorgadas por organismos e institucións públicos ou privados.

CUARTA.- SOLICITUDES E DOCUMENTACIÓN:

A solicitude, en modelo municipal de instancia, dirixira-se ao Alcalde-Presidente do Concello de Redondela e presentara-se no Rexistro Xeral Municipal acompañada da seguinte documentación:

- Orixinal ou fotocopia compulsada da declaración da renda do ano anterior de todos os membros que compoñen a unidade familiar.

Aqueles/as que por estaren por debaixo do mínimo exento non estean obrigados/as a facer a declaración da renda deberán xustificar os seus ingresos por medio de orixinais ou fotocopias compulsadas dos documentos e impresos acreditativos dos rendementos e ingresos salariais, empresariais ou derivados de prestacións periódicas ou non periódicas, contributivas ou non contributivas(desemprego, indemnizacións, axudas, subsidios, pensións....) ou mobiliario (intereses, dividendos)



EL NUMERADO
CORPORACIÓN
LOCAIS

- Declaración xurada de non desfrutar doutras axudas, bolsas ou subvencións de igual ou análoga finalidade outorgadas por organismos e institucións públicas ou privadas.

- Certificado acreditativo dos membros da familia que conviven no domicilio, expedido polo concello.

-Certificación do conservatorio de Música na que se xustifique que se ten feita a reserva de praza.

-Certificado, expedido polo Conservatorio, das calificacións dos cursos anteriores que teña cursados.

-Certificación de non ter débedas, a unidade familiar, coa facenda minicipal.

- Declaración xurada de todos os bens inmobles da unidade familiar do/a solicitante.

QUINTA.- CONTÍA:

A contía das axudas non poderá ser superior ao 75 % do importe total da matrícula. O importe total das axudas será transferido polo Concello á conta do Conservatorio unha vez rematado todo o proceso.

SEXTA.- CRÉDITO:

O Concello de Redondela destinará no orzamento do 2000 unha partida de 800000 ptas para facer fronte a estas axudas.

SÉTIMA.- LUGAR E PRAZO DE PRESENTACIÓN DE SOLICITUDES.

As solicitudes para poder tomar parte nesta convocatoria serán presentadas no rexistro Xeral do Concello ou por calquera outro dos medios contemplados na lei, desde o 18 ao 31 de Xullo do 2000, debéndose acompañar a solicitude dos documentos esixidos na base cuarta.

OITAVA.- INSTRUCCIÓN E RESOLUCIÓN:

Recibidas as solicitudes e a súa documentación serán analizadas e valoradas polo Patronato, que solicitará os informes complementarios ao profesorado do centro para garantir a obxectividade da concesión.

O Patronato valorará o cumprimento dos requisitos e condicións sinalados nas bases 30 e 50 e fará unha proposta de concesión, que previo dictame da Comisión de Ensino, resolverá a Comisión de Goberno.



EL NUMERADO
CORPORACIÓN
LOCAIS

(Selo da Corporación)

(Sinatura do Presidente)

Folio N.º

96

Serie A N.º 1175898

Os defectos nas solicitudes serán-lle notificados aos/ás interesados/as, concedéndose-lle un prazo de dez días para enmendar os erros ou omisións. Si transcorrido ese prazo non se producise a enmenda, as peticións serán arquivadas sen máis trámite.

Denegaran-se de oficio aquelas solicitudes que incorran en falsidade ou ocultación de datos, ou que estean deliberadamente incompletas; así como as presentadas fora do prazo marcado na convocatoria.

NOVENA.- NOTIFICACIÓN:

A resolución sera-lle notificada aos/ás solicitantes que se lles concedan as axudas, na forma prevista na lei. De non notificarse resolución favorable no prazo de 1 mes desde o remate do prazo de presentación de solicitudes entendera-se desestimada a petición correspondente.

Aos/ás solicitantes que non lles fose concedida a axuda disporán dun prazo de 30 días hábiles para retirar a documentación presentada. Transcorrido este prazo, arquivara-se sen máis trámite.

DÉCIMA.- ACEPTACIÓN.

O/a beneficiario disporá dun prazo de 15 días hábiles, contados a partir da recepción da resolución, para comunicar a aceptación das axudas.

Transcorrido este prazo sen que se comunique dita aceptación podera-se anular a resolución.

DISPOSICIÓN DERRADEIRA

Facúlta-se ao Alcalde do Concello de Redondela para dictar, no ámbito das súas competencias, as resolucións precisas para o desenvolvemento destas bases.

Este Concello Pleno por unanimidade dos Sre./as Concelleiros/as asistentes a esta Sesión acorda prestarlle a súa aprobación ás bases de adxudicación de becas de estudos musicais no Conservatorio de Música Municipal, resolvendo os reparos formulados polo Sr. Interventor.

9.- DICTAME DA COMISIÓN INFORMATIVA DE INTERIOR S/CONVENIO DE COLABORACIÓN ENTRE A CONSELLERÍA DA PRESIDENCIA E ADMON. PÚBLICA E A F.E.G.A.M.P. PARA IMPLANTACIÓN E DESENVOLVEMENTO DOS SERVICIOS INFORMÁTICOS E DE TELECOMUNICACIÓNS

Polo Sr. Presidente dase conta a este Concello Pleno de Proposta de data 13 de xuño do 2000, do Presidente da Comisión Informativa de Interior sobre Convenio de Colaboración e Convenio Marco en materia de Servicios Informáticos e Rexistro, que transcrita di:

Pola Presidencia, dase conta do expediente sobre a conveniencia da subscripción polo Concello de Redondela do "Convenio de colaboración entre a Consellería da Presidencia e Administración Pública e FEGAMP para a implantación e Desenvolvemento dos Servizos Informáticos e de Telecomunicacións".

A Comisión Informativa de Interior, por unanimidade dos seus membros presentes, acordou dictaminar favorablemente a subscripción do convenio de referencia.

Este Concello Pleno por unanimidade dos Sres./as. Concelleiros/as asistentes a esta Sesión, acorda presta-la súa aprobación á Proposta antes transcrita.

10.- MOCIÓN DO B.N.G. S/IMPLANTACIÓN DA "E.S.P.O." NO CONCELLO DE REDONDELA E O SISTEMA DE ADMISIÓN DE ALUNADO PARA O CURSO PRÓXIMO 2000/01

Polo Sr. Presidente dase conta a este Concello Pleno de Moción do B.N.G. de data 4 de xullo do ano 2000 que transcrita di:

No curso académico que se vai iniciar implantaran-se en Galiza con carácter xeralizado os novos Bacharelatos e Ciclos formativos de Formación Profesional específica. Esta circunstancia implica novidades importantes que afectan ao futuro académico do alumnado deste Concello. A oferta de Bacharelatos e Ciclos Formativos é limitada e descompensada, o que implica que non vai haber igualdade de oportunidades en relación a outros concellos para acceder a estas ensinanzas.

Unha das razóns da desigualdade é provocada pola Orde do 24 de abril de 2000, da Consellería de Educación e O.U., que regula a admisión de alumnos/as a estas ensinanzas e que introduce como un criterio determinante de acceso a proximidade xeográfica ao centro educativo no que se desexa estudar, o cal supón que o alumnado de Redondela ten case nulas as posibilidades de cursar o Bacharelato Artístico ou certos Ciclos Formativos con oferta reducida e limitada o non se imparten no noso Concello.

En todo caso, terían CERO puntos para accederen a opcións que se imparten noutros Concellos e unicamente accederían en caso de quedaren prazas vacantes. Esta decisión vulnera o dereito de igualdade de oportunidades para o acceso ao ensino, porque discrimina o alumnado en función do seu lugar de residencia.

Este feito é grave se temos en conta que para o acceso a ciclos formativos superiores o criterio preferente é ter cursado determinados bacharelatos e materias concretas dos mesmos, e que ese alumnado estaría en inferioridade de condicións para realizar estudos universitarios nos que se imparten materias cuxa introducción se estuda no bacharelato.

Concretamente no noso Concello non se oferta o bacharelato de artes, só hai un grupo do bacharelato tecnolóxico e canto a ciclos formativos temos dous de grao medio no "Pedro Floriani" e un en Chapela e dous superiores no "Pedro Floriani" e tamén un en

Serie A N.º 1175899

Chapela. Os ciclos que se ofertan son os de Administrativo, Electrónica e Sanitarios, sen embargo non se oferta ningún ciclo relacionado co mar (pesca, acuicultura, marisqueo...) Nen co téxtil ou co frío (conxelación de alimentos, conservación,...) que aquecerían máis oa noso Concello e seguramente terían máis futuro.

Por estes motivos o grupo municipal do B.N.G. propón a adopción do seguinte acordo:

Solicitar da Xunta de Galiza que:

-Proceda á reordenación da Oferta Educativa da ESPO que permita a todo o alunado do Concello acceder aos estudos de bacharelato que desexe e -no caso do bacharelato de antes- que se faga efectiva esta oferta para a zona de Redondela.

- Reelabore unha Oferta educativa da ESPO compensada para todas as comarcas de Galiza para que o alunado poida acceder aos estudos que o tecido produtivo e o mercado laboral demanda.

- Que se oferten na zona educativa de Redondela ciclos formativos de grao medio e superior acordes coa realidade e o entorno que temos.

- Modificar a ORDE de 24-4-2000 de admisión de alumnos/as, porque polas razóns expostas resulta gravemente discriminatoria para o alunado deste Concello.

Concedida a palabra pola Presidencia, polo Concelleiro Sr. Grande Grande faise a este Concello Pleno que fixera unha exposición do contido da Moción do B.N.G. facendo fincapé no que se solicita da Xunta de Galicia en relación coa falta de ciclos nos distintos institutos, así como a dificultade tamén do alunado a acceder a bachaleratos tecnolóxicos, así como ós das artes. Remata a súa intervención dicindo que a presente Moción non responde a intereses partidistas e ó mesmo tempo que a mesma non é novedosa, xa que o seu contido xa foi demandado con anterioridade polo B.N.G., así tamén polo P.S. de G.- P.S.O.E.

Este Concello Pleno por unanimidade dos Sres./as. Concelleiros/as asistentes a esta Sesión, acorda presta-la súa aprobación á Moción do B.N.G. antes transcrita.

E, non habendo máis asuntos que tratar, pola Presidencia dase por rematada a presente sesión, sendo as doce horas e trinta e cinco minutos da data fixada no encabezamento, en proba de todo o que, se estende a presente Acta, que se inscribiu no Libro dende a volta do folio oitenta e sete do Papel Timbrado da Comunidade Autónoma de Galicia, Serie A nº 1175889, ata o folio noventa e sete, Serie A nº 1175899, ded todo o que, como Secretario, DOU FE.-

O ALCALDE

O SECRETARIO

Asdo: Xaime Rei Barreiro

Asdo: Luís Torrado Vázquez



EL NUMERADO
CORPORACIONES
LOCAIS